

**ԴԱՐԱՔԱՂԻ 18-ՐԴ ԴԱՐԻ ՎԵՐՋԻ ՔԱՂԱՔԱԿԱՆ
ՊԱՏԱՈՒԹՅԱՆ ՄԻ ՔԱՆԻ ՀԱՐՑԵՐ**

Կուր-Արաքսյան հարթավայրում բնակվող մահմեդական քոչվոր ցեղերը 18-րդ դարի 40-ականների վերջին միավորվում են ջևանշիր ցեղի առաջնորդ Փանահ խանի շուրջ և ստեղծում մահմեդական խանություն, որը աստիճանաբար իր իշխանությունը տարածելով շրջակա մի շարք գավառների վրա՝ դառնում է իր ժամանակի ուժեղ խանություններից մեկը։ Օգտվելով հայ մեծիքների անհամերաշխությունից, Փանահ խանը իրեն է ենթարկում նաև հարևան Խամսայի հայկական մեծիքությունները, որը Իրանի Նադիր շահի օրոք (1735-1747թթ) պետության առանձին վարչական միավորներից էր¹։ Իրանի պետության թուլացման ու նրա գահին հավակնողների միջև երկարատև գահակալական կռիվների հետևանքով, բացի Ղարաբաղից, Անդրկովկասի ու Արապատականի տարածքներում 1747թ. հետո անկախություն են ստանում և ստեղծվում հետևյալ պետական կազմավորումները՝ Վրաստանի թագավորությունը, Երևանի, Նախիջևանի, Մակվի, Ղարադաղի, Ուրմիայի, Գանձակի, Ղուբայի, Բաքվի, Շիրվանի, Շաքիի, Թալիշի, Արդեբիլի, Մարաղայի, Մովուջ-Բուլաղի խանությունները²։ Խամսայի մեծիքների երկարատև պայքարը մահմեդական խաների դեմ արտացոլված է տվյալ ժամանակաշրջանի Ղարաբաղի պատմությանը նվիրված գրեթե բոլոր՝ հայկական³ և օտար⁴ սկզբնաղբյուրներում, ինչպես նաև հայ-ռուսական վոյսհաբարներություններին վերաբերող փաստագրական նյութերում⁵։ Այդ պայքարի պատմությունը լավագույնս ուսումնասիրված է Ա. Հովհաննիսյանի 18-րդ դարի հայ ազատագրական շարժումների պատմությանը նվիրված աշխատություններում⁶։

Ավելի քիչ է ուսումնասիրված Ղարաբաղի մահմեդական խանության պատմությունը, որի վերաբերյալ սառտ տեղեկություններ կան պատմական սկզբնաղբյուրներում։ Ղարաբաղի խանության քաղաքական պատմության

ստանձին հարցերին են անդրադառնում նաև պարսկալեզու սկզբնաղբյուրները⁷, որոնց մեջ կարևոր տեղ է զբաղեցնում Իրանի պալատական պատմագիր Ռեզակուլի խան Հեդայաթի «Ռ-ռուզաթ-աս-Սաֆա-յե Նասերի» (պրսկ. - «Ամբիժ մաքրության այգի») աշխատությունը: Հայ ժողովրդի պատմությունը՝ սկսած հնագույն ժամանակներից մինչև 1828թ. միահյուսված է Իրանի պատմության հետ, ուստի «Ռ-ռուզաթ-աս-Սաֆայում» պարունակվող հավաստի տվյալները որոշ չափով ճշգրտում ու լրացնում են 18-19-րդ դարերի Արևելյան Հայաստանի պատմությունը:

Սույն հոդվածում նպատակ ունենք 18-րդ դարի վերջի Անդրկովկասի պատմությունն ընդգրկող այլ սկզբնաղբյուրների հաղորդումների հետ համադրության միջոցով քննելու «Ռ-ռուզաթ-աս-Սաֆայի» պարունակած տեղեկությունները Իրանի Աղա Մուհամմադ խան Ղաջարի կառավարման շրջանի քաղաքական այն դեպքերի մասին, որոնք վերաբերում են նաև հայ ժողովրդի պատմությանը: Ռեզակուլի խանի հայրը եղել է Աղա Մուհամմադ խանի, այնուհետև նաև՝ Ֆաթհալի շահի գանձապետը⁸, որի շնորհիվ հեղինակը մանրամասն տեղեկություններ է հաղորդում Իրանի 18-րդ դարի վերջի քաղաքական անցուդարձի վերաբերյալ: Ռեզակուլի խանը՝ Նա երկար տարիներ ծառայել է Իրանի Ֆաթհալի, Մուհամմադ ու Նասրեդդին շահերի արքունիքներում և մեծարվել «թանաստեղծների արքա» (ամիր-աշ-շուարա) տիտղոսով: Ռեզակուլի խան Հեդայաթը հեղինակ է ավելի քան 15 գրական ու պատմական աշխատությունների: Իր «Ռ-ռուզաթ-աս-Սաֆա-յե Նասերի» պատմական աշխատությունը հեղինակը գրել է շարունակելու համար Իրանի 15-16-րդ դարերի պատմագիրներ Սիրիանդի «Ռ-ռուզաթ-աս-Սաֆա» և Խանդեմիրի «Հաթիր-աս-Սիյար» աշխատությունները⁹: «Ռ-ռուզաթ-աս-Սաֆա-յե Նասերի» աշխատության 3 հատորներում շարադրված է Իրանի Սեֆյան, Աֆշարական, Չինդյան ու Քաջարական թագավորական տների ժամանակաշրջանի պատմությունը մինչև Նասրեդդին շահի գահակալման 1274 հ. թ. (հմայտ. 1857/1858թ.):

Ղարաբաղի խանության հիմնադիր Փանսի Ալի խանը իր իշխանությունը տարածում է ամբողջ Արցախ նահանգի, Փայաակարան նահանգի Կուր-Արաքսյան հովտում գտնվող մասի և Ուտիքի ու Սյունիքի առանձին շրջանների վրա¹⁰: Դրանց թվում էին Չանգեզուրի, Բարգուշատի, Ղափանի, Գավնդուրի և Միսիանի շրջանների որոշ բնակավայրեր, որոնցից էին Մեղրին, Տաթևը, Հաղիժորը և Խնձորեսկը¹¹: Ղարաբաղի խաները, ջանալով ընդարձակել իրենց ազդեցության շրջանակները, հանդես էին գալիս հարևան թույլ խանությունները իրենց ենթարկելու հավակնություններով: 18-րդ դարի 50-ական թվականներին Ղարաբաղի և Վրաստանի միջև ընդհարումներ էին տեղի ունենում Գանձակի խանության վրա գերիշխանություն հաստատելու համար, որոնք շարունակվում են մինչև 70-ականների վերջը¹²: Միաժամանակ Փանսի խանը վերջ է տալիս իր տարածքների նկատմամբ Շաքիի Հաջի Զեյների խանի ոտնձգություններին¹³, 1757թ. ետ մղում Իրանի Մուհամմադ

Հասան խանի¹⁴, 1757-1762թթ.՝ Ուրմիայի Ֆաթհադի խան Աֆշարի¹⁵ արշավանքները Ղարաբաղ:

Ղարաբաղի խանությունը հատկապես ուժեղանում է նրա Իբրահիմ Խալիլ խանի իշխանության տարիներին (1762-1806թթ.): 1780-1781թթ. Ղարաբաղի ձեռներեց խանը արշավանքներ է կազմակերպում դեպի Թավրիզ ու Խոյ¹⁶: Վերջինիս Ահմեդ խանը շուտով դառնում է Իբրահիմ խանի դաշնակիցը և նրա հետ միասին 1785թ. կրկնում արշավանքը դեպի Թավրիզ¹⁷: 18-րդ դարի 80-ական թվականներին նրանից կախման մեջ էին գտնվում Գանձակի, Ղարադաղի, Մեշքինի ու Նախիջևանի խանությունները, իսկ Ավարիայի, Արդեբիլի ու Խոյի խաները նրա դաշնակիցներն էին¹⁸: 1778թ. Վրաստանի թագավոր Հեքակը ու Իբրահիմ խանը, համաձայնության գալով, զորավում են Գանձակը, կալանավորում այնտեղի Մահմեդ խանին և ընտանիքով հանդերձ տանում նրան Ըուշի¹⁹: 1782թ. տվյալներով թե՛ Ղարաբաղի Իբրահիմ խանը, և թե՛ Վրաստանի Հերակլ թագավորը իրենց ներկայացուցիչներին են նշանակում Գանձակում և հարկազանդումներ կատարում²⁰: Այդ շրջանում բազմիցս ընդհարումներ են տեղի ունենում Իբրահիմ խանի և Ղուբայի Ֆաթհադի խանի միջև, որը Արևելյան Անդրկովկասում Ղարաբաղի խանի միակ մրցակիցն էր²¹:

1780-90-ական թվականներին, չնայած հայրենիքում դիրքերի թուլացմանը, Ղարաբաղի հայ մելիքները իրենց ենթակա արցախահայ բնակչությանը շարունակում էին կարևոր դեր խաղալ երկրի քաղաքական կյանքում և մահմեդական խաները չէին կարող հաշվի չնստել այդ փաստի հետ: 90-ական թվականներին Խամսայի մելիքներն էին՝ Վարանդայի Մելիք-Ջուշուդ Շահնազարյանը, Դիզակի Մելիք-Աբաս Եզանյանը, Խաչենի Մելիք-Ալլավերդյին՝ Միրզախանի որդին, Ջրաբերդի Մելիք Ռուստամը՝ յուզբաշի Ալլահվերդիի որդին և Գյուլիստանի Մելիք-Ֆրիդուն Բեգլարյանը՝ իրենց հպատակ շուրջ 60000 տուն հայ ազգաբնակչությամբ²²: Ղարաբաղի թե՛ Փանահ և թե՛ Իբրահիմ խաները իրենց ռազմական արշավանքների ժամանակ օգտագործում էին հայ մելիքների ռազմական ուժերը. «[Փանահ] խանն Ըուշու ի ունիլն պատերազմ առ դրացի խանսն որպես զմելիքսն և զօրս նոցա [Միսիանի, Ղափանի և այլն] նոցա, նմանապես և զսոյն գիւղացիսն զինուորեցուցանէ տալ պատերազմն թշնամեաց իւրոց, որովք արարեալ է բազում պատերազմունս յաղթականութեամբ»²³: Փանահ խանը իրեն ենթարկելով Նախիջևանի, Միսիանի ու Ղափանի կողմերի մի շարք բնակավայրեր՝ անհրաժեշտության դեպքում այն վայրերից ստանում էր 1000-ական զինվոր²⁴: 18-րդ դարի վերջին, բացի Խամսայի վերը նշված հինգ հայկական մելիքություններից, հիշատակվում են նաև Սյունիքի և Ուտիքի որոշ շրջաններում իշխող մելիքների ամուլները՝ «Յարութիւն մէլիք Սնացականեանը Գետաշինոյ, մէլիք Գասպար Յարոյ Կանջայ քաղաքի, մէլիք Գաբրիէլ Յոսկանապատու և այլն, թող զՉակամն Շամսատին և Շամքոռու, թե որքան մելիքներ կան մնալոց... նաև մելիքներն Ղափանու Դավիթ մէլիք Բարխուտարեան, Տեղու

և Յօսեփ Յոհաննեան Ձանկազոռու և այլն»²⁵:

1769թ. Վրաստանի Հերակլ թագավորի կողմից ռուսական կառավարությանը հղված մի նամակում նշվում է Ղարաբաղում 7 հայկական իշխանությունների գոյության մասին: Ամենայն հավանականությամբ այդտեղ հաշվի են առնված նաև Ղարաբաղի խանության մեջ մտած Սյունիքի շրջանների իշխանությունները: Ընդ որում, այդ փաստաթղթում մատնանշվում է այն փաստը, որ «հայերի ռազմական ուժերը հասնում են 4500-ի, իսկ ջավանշիր-ցիներինը՝ (քոչվոր ցեղեր) 2500-ի: Բայց քանի որ հայերի միջև միասնություն չկա, ուստի ջավանշիրցիները նրանց իրենց իշխանությանն են ենթարկել»²⁶:

Այս վկայությունները ցույց են տալիս, որ Ղարաբաղի խաները իրենց արտաքին ու ներքին քաղաքականության մեջ հարկադրված էին հաշվի առնել հայ մելիքների ու նրանց հպատակ արցախահայության ռազմական ուժերը: Ելնելով իրենց երկրում հայ ազգաբնակչության ունեցած կարևոր քաղաքական ու տնտեսական դերից՝ նրանք մեծ ճկունություն էին հանդես բերում՝ երկու հզոր պետությունների՝ Ռուսաստանի ու Իրանի նկատմամբ վարած քաղաքականության մեջ²⁷: Դեռ ավելին, նրանք լայնորեն օգտագործում էին հայ մելիքությունների ուժերը իրենց ռազմական ընդհարումների ժամանակ: Հայ մելիքների մարտական ուժերը հատկապես մեծ դեր են խաղում Իբրահիմ խանի Իրանի Աղա Մուհամմադ խանի դեմ մղած կռիվներում:

Վրաստանը 1783թ. կնքած պայմանագրով անցնում է Ռուսաստանի հովանավորության տակ, որից հետո ռուսական կառավարությունը ջանում էր իր գերիշխանությունը տարածել Անդրկովկասի մյուս երկրների և մասնավորապես Ղարաբաղի վրա: Մյուս կողմից Իրանում ուժեղացել էր Աղա Մուհամմադ խանը, որը իր հերթին ձգտում էր վերականգնել Իրանի տիրապետությունը իր նախկին անդրկովկասյան տիրույթների վրա: Ղարաբաղի խանը, զգուշանալով Ռուսաստանի ու Իրանի կողմից օրեցօր ուժեղացող վտանգից, ամրացնում էր իր դիրքերը և նախապատրաստվում պաշտպանության: 1783թ. նա իր մոտ է կանչում ազգականներին և իր դաշնակից Մելիք-Շահնազարին՝ հայտարարելով, որ մտադիր է վերանորոգել ու ամրացնել Շուշի բերդը: Բերդի պարիսպների վերակառուցումը անհրաժեշտ էր նաև նրա բնակչության թվի մեծացման պատճառով: Իր այս մտադրությունը իրագործելու համար մելիքներից պահանջում է 100-ական մարդ²⁸ և, քանդելով բերդի հին պարիսպները, «հմուտ վարպետների նախագծով 1 վարս (հնցծ. ռուս. «ՉպիրՅՈ») երկարության միավոր, հավասար է մոտ 500 սաժենի կամ 1կմ) հետո կառուցում ավելի ամուր ու բարեշեն պարիսպներ»: Շուշի բերդի վերակառուցումը ավարտվում է 1789թ.²⁹: Պետք է նշել, որ զուր չէին Ղարաբաղի խանի անհանգստությունն ու ռազմական պատրաստությունները: Շուշիի բարենորոգությունը օգտակար է լինում Իրանի Աղա Մուհամմադ խանի հարձակումներից պաշտպանվելու հարցում:

Աղա Մուհամմադ խանը 18-րդ դարի 90-ական թվականների սկզբից լուրջ քայլեր է ձեռնարկում Իրանի գերիշխանությունը Ատրպատականի և

Անդրկովկասի անկախացած երկրների վրա հաստատելու համար: Աղա Մուհամմադ խանին, որը չէր պատկանում թագավորող տոհմին, գահ բարձրանալու համար անհրաժեշտ էր վերը նշված երկրների և հատկապես Վրաստանի վալիի հպատակությունը: Իրանի շահերի թագադրության ժամանակ պարտադիր էր Իրանի 4 վալիների՝ Արաբխատանի, Լուրիստանի, Վրաստանի ու Քրդստանի փոխարքաների ներկայությունը³⁰:

Վերը նշված պատճառները դրդում են Իրանի շահը դառնալու հավակնություններ ունեցող Աղա Մուհամմադ խանին 1791թ. 10000-անոց զորքով շարժվել դեպի Թավրիզ և պահանջել Ատրպատականի խաների հպատակությունը: Նրա զորքերը պարտության են մատնում Թավրիզի կառավարիչ Մադեդ խան Շադադիի զորքերին³¹: Վերջինս ապաստանում է Ղարաբաղում՝ Իբրահիմ խանի մոտ: Ջան Մուհամմադ խանի գլխավորությամբ Թալիշի խանություն ներխուժած պարսկական զորագունդը ուժեղ դիմադրության է հանդիպում և նահանջում: Մուլեյման սարդարի գլխավորած պարսկական զորքը գրավում է Ահար ամրոցը, որից հետո հաստատվում Գոլանբարի դաշտում³²: Ըստ Ռեզակուլի խանի, հպատակություն հայտնելու նպատակով ներկայանում է Խոյի Հուսեյն Ղուլի խան Դուլբուլին և նշանակվում Ատրպատականի կառավարիչ: Հնազանդություն են հայտնում նաև Մարաղայի Սհմեդ խանը, Ղարադաղի Մուսթուֆի Ղուլի խանը, Նախիջևանի Քյալբաալի խանը ու Շահեսլան ցեղի առաջնորդը³³: Աղա Մուհամմադ խանը հպատակության է հրավիրում նաև Երևանի, Ղարաբաղի, Գանձակի ու Շաքիի խաներին: Երևանի Սահմեդ խանը, վախենալով անձամբ ներկայանալ՝ Աղա Մուհամմադի մոտ է ուղարկում իր եղբորն ու մերձավորներից մեկին: Գանձակի ու Շաքիի խաները բավարարվում են նվերներ ուղարկելով, իսկ Ղարաբաղի Իբրահիմ խանը հրաժարվում է անգամ ընծաներ առաքելուց³⁴: Ծուռով Աղա Մուհամմադ խանը ստիպված է լինում հեռանալ Իրանի կենտրոնական նահանգները՝ իր դեմ ծագած խռովությունները ճնշելու համար:

Ղարաբաղի Իբրահիմ խանը Աղա Մուհամմադ խանից պաշտպանվելու համար դիմել էր Ավարիայի Օմար խանի օգնությանը: Վերջինս անմիջապես արձագանքում է իր դաշնակցի կանչին և զորքով ժամանում Ղարաբաղ: Մակայն Աղա Մուհամմադ խանի զորքերը արդեն հեռացել էին Թավրիզի մոտակայքից: Իբրահիմ խանը լեզգիների զորքին գործունեության ասպարեզ տրամադրելու ու նրանց համար հարուստ ավար հայթայթելու նպատակով ռազմական արշավանք է ձեռնարկում դեպի Նախիջևան: 1791թ. նոյեմբեր-դեկտեմբեր ամիսներին Ղարաբաղի խանի՝ դեպի Նախիջևան կատարած արշավանքին մասնակցում է լեզգիների 3000-անոց գունդը: Նախիջևանի Քյալբաալի խանը Երևանի ու Խոյի խանություններից ուղարկված ջոկատների օգնությամբ պարտության է մատնում Իբրահիմ խանի գլխավորությամբ իր տարածքը ներխուժած զորքերին³⁵: Մ.Յ. Ներսեսյանը այս դեպքերի վերաբերյալ հաղորդում է որոշ մանրամասներ, որոնցից հայտնի է դառնում նաև հայ մելիքների մասնակցությունը այդ արշավանքին:

«Ղարաբաղի հեծելազորի, վարձու հետևակազորի միջոցով [խանը] վճռում է պատժել Քյալբաալի խանին և դեպի այն կողմերն է շարժվում: Ղարաբաբա կռված վայրում կանգ է առնում և զորքն ուղարկում [շրջակա] գյուղերն ասպատակելու: Ղարաբաբա գյուղը շրջապատում է: Քյալբաալի խանը նախօրոք Երևանի կառավարչից օգնություն էր խնդրել: Վերջինս էլ քուրդ և այլ հեծյալների մի խումբ էր նրան օգնության ուղարկել: Վերոհիշյալ բնակավայրում հակառակորդները հանդիպում են և Քյալբաալի խանը որոշ ընդհանրումներից հետո խորամանկորեն փախուստի է դիմում: Օմար խանն այս տեսնելով առանց երկնչելու սկսում է հետապնդել նրան... Այդ ժամանակ իրենց քաջությամբ հայտնի քրդական զիլան ու [թաթարական] դարափափախ ցեղերը, կանգնեցնում են իրենց ձիերը և սրերը մերկացնելով լեզգիների վրա հարձակվում: Լեզգիները չկարողանալով դիմադրել նրանց՝ փախչում, հեռանում են: Իբրահիմ խանը, որն իր անկանոն հետևակազորը Ղարաբաղում էր թողել, ճարահատյալ մարդ է ուղարկում մելիքների ու յուզբաշիների մոտ և վերադարձի հրաման տալիս»³⁶:

1793թ. Աղա Մուհամմադ խանը նորից անդրադառնում է Արևելյան Անդրկովկասի խանությունները հպատակեցնելու իր մտադրությանը: Ամռանը նա Թավրիզ է ուղարկում Աուլեյման խան սարդարին 6000-սունոց զորքով, որի նպատակը տեղի բոլոր տիրակալներին և հատկապես Ղարաբաղի Իբրահիմ խանին հնազանդեցնելն էր³⁷: Ըստ Ռեզակուլի խան Հեդայաթի «Ռուզաթ-աս-Սաֆայի», Աուլեյման խանին հաջողվում է գրեթե լիովին կատարել իրեն տրված հանձնարարությունը: Հպատակություն են հայտնում Սադեղ խան Շադադին, Մարաղայի Ահմադ խանը, Գանձակի Ջավադ խանը, Երևանի Մուհամմադ խանը և անգամ Ղարաբաղի Իբրահիմ խանը³⁸: Իրանցի պատմագրի այս վկայությունը չի հակասում մյուս սկզբնաղբյուրների վկայություններին: Իբրահիմ խանը Աղա Մուհամմադ խանին ձևական հպատակություն է հայտնում և որպես երաշխիք նրան պատանդ հանձնում իր զարմիկ Աբդու Սամեդ բեկին՝ Սիրգա Վելի Բուհարլիի հետ, որը հայտնի էր իր պերճախոսությամբ³⁹: Պատանդները, սակայն, Աղա Մուհամմադ խանի զորքերի կողմից Քերմանի պաշարման օրերին ինչ-ինչ պատճառներով փախուստի են դիմում, որից հետո բռնվում և սպանվում են⁴⁰: Ռեզակուլի-խանի վկայությամբ, Իբրահիմ խանի ազգականի սպանությունը նոր թշնամություն է սերմանում նրա և Աղա Մուհամմադ խանի միջև: Ղարաբաղի խանը հրաժարվում է նոր պատանդ տալ ու հնազանդվել Աղա Մուհամմադ խանի իշխանությանը⁴¹:

1795թ. գարնանը Աղա Մուհամմադ խանը սկսում է իր առաջին արշավանքը դեպի Անդրկովկաս: Նա ժամանում է Արդեբիլ և սկսում ռազմական նախապատրաստություններ տեսնել: Սկզբնաղբյուրները տարբեր տվյալներ են հաղորդում Աղա Մուհամմադ խանի բանակի ընդհանուր թվի վերաբերյալ⁴²: Ղարաբաղի Իբրահիմ խանը անհամապատասխան է իր դաշնակից Վրաստանի Հերակլ թագավորի և Օսմանյան կայսրության օգնությ-

յանը⁴³: Հեքակը Ղարաբաղ է ուղարկում 2000-ամեց մի զորագունդ Ալեքսանդր արքայազնի գլխավորությամբ: Վերջինիս և Իբրահիմ խանի միացյալ ուժերը շուտով մեղ կիրճերում ջախջախում են արաքսյան հարթավայր ներխուժած Աղա Մուհամմադ խանի 4000-ամեց զորագունդը⁴⁴: Մակայն այս առաջին անհաջողությունը չի ընկճում Իրանի տիրակալին: Աղա Մուհամմադ խանը, որը կամզ էր ամել Ղարաքիսի վայրում, շարունակում է ռազմական պատրաստությունները: Նրա հրամանով Մուսթաֆի խան Դավալուի գլխավորած զորագունդը ներխուժում է Թալիշի խանություն: Այնտեղ մեծ ավերածություններ են գործում ու գերիներ վերցնում, որից հետո արշավում նաև դեպի Շիրվան:

Ղարաբաղյան արշավանքը իրականացնելու համար Աղա Մուհամմադ խանը ստիպված էր նախ և առաջ վերանորոգել Խողա-Աֆերիմի կամուրջը, որը Իբրահիմ խանը նախօրոք քանդել էր տվել: Կամուրջի վերականգնումը տևում է 10 օր: Հուլիսին Աղա Մուհամմադ խանը զորավարներ Ալի Դուլի խանի ու Ջաֆար Դուլի խանի գլխավորությամբ 20000-ամեց պարսկական զորքը ուղարկում է դեպի Երևան⁴⁵, իսկ ինքը իր բանակի գլխավոր ուժերով շարժվում դեպի Ղարաբաղ: Երևանի, Նախիջևանի ու Ղարաբաղի ահաբեկված բնակչության մի մասը սկսում է լքել իր բնակության վայրերը և հեռանում Վրաստան⁴⁶: Հակոբ Ջաբարյանցի վկայությամբ, Արցախում մնացած բնակչությունը արշավանքի նախօրյակին ամրանում է Ջրաբերդում, Ասկերանում, Շուշիում և լեռնային անմատչելի վայրերում⁴⁷:

Որոշ տվյալների համաձայն Ղարաբաղի խանը հավաքում է մոտ 15000-ամեց զորք ու տեղի ազգաբնակչության ակտիվ աջակցությամբ ուժեղ դիմադրություն ցույց տալիս պարսկական զորքերին⁴⁸: «(Իբրահիմ) խանը հայտարարում է ժողովրդական պատերազմ. տեղի բեկերի կազմակերպած զորագնդերը ուժեղ հարվածներ են հասցնում Աղա Մուհամմադ խանի զորքերին», փակում պարենի ճանապարհները, վնասում բանակի զուսակին: Այդ ջոկատները 2 խոշոր հաղթանակներ են տանում պարսկական զորքերի դեմ կռիվներում, խլում նրա զուսակը⁴⁹:

Ռեզակուլի խանի հաղորդած մանրամասն տեղեկություններից իմանում ենք, որ պարսկական զորքին ուժեղ դիմադրություն են ցույց տալիս Սյունիքի Խնձորեսկ ու Դավիան բնակավայրերում ամրացած հայությունն ու քոչվոր ցեղերը: Նրանց դեմ մեծ զորքով ուղարկվում է Մուսթաֆի խան Դավալուն, որը հարձակվում է նրանց ամրությունների վրա, գրավում և գերեվարում նրանց պաշտպաններից 500 հոգու: Ըստ Ռեզակուլի խանի «Մուհամմադ Վելի խանի և Ռեզակուլի խան Դավալուի գլխավորած զորագունդը գրեհում է հայերի ամրության վրա, գրավում այն, մեծ ավար ու գերիներ ձեռք բերում»⁵⁰:

Իրանի պատմագրի կողմից արշավանքի այս փուլի հանգամանակից նկարագրությունը ցույց է տալիս, որ նախքան Շուշիի պաշարումը Աղա Մուհամմադ խանը հարկադրված էր հաղթահարել Ղարաբաղի ազգաբնակչության տարերային դիմադրությունը և միայն իր դիրքերը քիչ քիչ շատ ամրաց-

նելուց հետո պաշարել անառիկ ամրոցը: Շուշին պաշարելու նպատակով Աղա Մուհամմադ խանը մոտենում է ամրոցին մինչև 3 ֆարսանգ (1 ֆարսանգը = 6 կմ) և կանգ առնում Նաբաթ խան կոչվող դաշտում⁵¹: Օգոստոսին Մուլեյման խան Ջաջարը և Մուսթուֆի խան Դավալուն 10000 հեծյալ զորքով շրջապատում են Շուշին: Հակառակորդների պահակագորայինները մարտի են բռնվում: Ի վերջո, իրանցիները հաղթում են «հայ և մահմեդական քաջերին, որոնք փախչում են ամրոց, կամ ամրանում նրա մոտակայքում»⁵²: Ըստ Հակոբ Ջաքարյանցի, արցախահայերը ապաստանում են «Շուշիի հարավային կողմում գտնվող մի քարայրում և այնքան ամրացնում այն, որ Իրանահիմ խանը այնտեղ է տեղափոխում իր զանձները»⁵³:

Վրաստանի Հերակլ թագավորը իր մի նամակում հետևյալ կերպ է նկարագրում Շուշիի բերդի շուրջ տեղի ունեցող կռիվները. «Այնտեղի բնակչությունը նրանց [պարսիկներին] շատ էր անհանգստացնում մարդկանց ու անասուններ գողանալով: Դրա հետևանքով նա [Աղա Մուհամմադ խանը] չէր կարողանում կռվի մեջ մտնել նրանց դեմ»⁵⁴: Նման փաստեր է արձանագրում նաև 19-րդ դարում գրված պարսկերեն «Ղարաբաղի պատմության» հեղինակ Սիրգա Ջամալ Ջևանշիրը, որի վկայությամբ, չնայած երկարատև պաշարմանը, Աղա Մուհամմադ խանը այնուամենայնիվ չի կարողանում իր հսկայական զորքով անցնել Շուշիից 5 վերստ հեռավորության վրա գտնվող գետը և մոտենալ բերդին: «Ղարաբաղի հեծյալ և հետիոտն զնդերը, ցեղերի և գյուղացիների առաջնորդները, Վարանդայի, Դիզակի ու Խաչենի մահալների մեկիքները մանր ջոկատներով հարձակվում էին ղզլբաշ զորքերի վրա, խլում նրանց ձիերն ու գրաստները, կողոպտում պարսկական զորքին հացահատիկ հասցնող քարավանները: Այնքան շատ անասուններ են խլում, որ Շուշիում մսի գինը խիստ ընկնում է»⁵⁵:

Ամրոցի համար մղվող մարտերի նկարագրության մեջ Ռեզակուլի խանը հիշատակում է պաշտպանական զորքերի վրա Իբրահիմ խանի կազմակերպած մի քանի հարձակումների մասին⁵⁶: Ամրոցի պաշտպանության հարցում Ղարաբաղի ազգաբնակչության ցուցաբերած համառությունը Աղա Մուհամմադ խանը փորձում էր ընկճել իրեն հատուկ դաժանությամբ: Նա հրամայում է ամրոցի պաշտպանների ձեռնարկած մի անհաջող գրոհից գերվածներին 100 եագու կապկպած վիճակում նետել հակառակ կողմից պայտած ձիերի սմբակների տակ: Մակայն բերդի պաշտպանները պարտքի տակ չեն մնում: Հաջորդ գիշերն իսկ Մուհամմեդ բեկի և Տողի Մեկիք-Աբասի զլխավորությամբ գրոհում են իրանցիների վրա և ջախջախում քշմամու 2 ամրությունները⁵⁷: Գիշերային գրոհներից պաշտպանվելու համար շահը իր ճամբարի շուրջը կառուցել էր ամուր պարիսպներ: Ըստ Սիրգա Ջամալ Ջևանշիրի, «մի գիշեր Վարանդայի մահալի հետիոտն զունդը հարձակվում է և գրավում պարսիկների կառուցած ամրություններից մեկը և մեկ ժամվա ընթացքում կոտորելով զլեթե բոլոր պաշտպաններին, մի քանիսին էլ իրենց հետ գերի տանում Իբրահիմ խանի մոտ»⁵⁸:

Իրանցի պատմագրի վկայությամբ, պարսկական հրետանին տեղադրված էր «Ֆաթհադի խան սանգյար» կոչվող վայրում և անընդհատ զնդակոծում էր ամրոցը⁵⁹։ Սակայն հայտնի է, որ Աղա Մուհամմադ խանի բանակը կովում էր հնացած զենքերով։ Մասնավորապես նրա հրացանները կրակում էին պատրույզը վառելուց հետո միայն, իսկ հրետանին մեծ մասամբ բաղկացած էր վոքր չափի հրանոթներից՝ «զամբուրակներից», այնպես որ ամառիկ Շուշիի համար նրանք առանձնապես մեծ վտանգ չէին ներկայացնում⁶⁰։

Շուշիի պաշարումը տևում է 33 օր։ Այդ ընթացքում Աղա Մուհամմադ խանը ջանք չէր խնայում ամրոցի պաշտպաններին թե սպառնալիքներով ահաբեկելու և ձնկի բերելու, թե կովով գրավելու համար⁶¹։

Ըստ Ռեզակուլի խանի, պարսկական բանակին ուժեղ դիմադրություն են ցույց տալիս նաև Ասկերանի պաշտպանները և Շուշիից 6 ֆարսանգ հեռավորության վրա ամրացած Իրրահիմ խանի եղբորորդիներ Մուհամմադ ու Ասադուլլահ բեկերը։ Հակոբ Ջաքարյանը, մանրամասն նկարագրելով Աղա Մուհամմադ խանի արշավանքները Ղարաբաղ, նույնպես վկայում է Ասկերան ամրոցի համար տեղի ունեցող թեժ մարտերի մասին, որի զորապետն էր Հասան Ղուլի բեկը⁶²։ Աղա Մուհամմադ խանի հրամանով 5000 զինվորներով Ասկերանի վրա է շարժվում Մուսթուֆի խան Դավալուն, որը սակայն չի կարողանում գրավել ամրոցը։ Մինչդեռ Մուհամմադ ու Ասադուլլահ բեկերի ղեմ ուղարկված Փիրդուլի խան Շամբայաթին և Աբդ Ալլահ խան Ուսանլուն հաղթանակ են տանում և գերի վերցնում Ղարաբաղի խանի ազգականներին իրենց կանանց ու մերձավորների հետ⁶³։

Վերոհիշյալ վկայություններից երևում է, թե ինչպես Ղարաբաղի բնակչությունը իր հայ մեկիքների և թրքազգի ղեկավարների հետ ուժեղ դիմադրություն է ցույց տալիս Աղա Մուհամմադ խանի զորքերին։ Ըստ երևույթին դրա հետևանքով առաջացած պարենի պակասությունն ու դարաբաղցիների հարձակումներից կրած մարդկային զոհերն են հարկադրում Աղա Մուհամմադ խանին վտխել Ղարաբաղում ձմեռելու իր մտադրությունը⁶⁴ և շարունակել իր արշավանքը դեպի Վրաստան։

Շուշիի պաշարման ընթացքում երկրամասի գրեթե բոլոր խաները հպատակություն են հայտնում։ Ներկայանում է Գանձակի Ջավադ խանը և տեղի հայ համայնքների ավագները՝ Մելիք-Մեջնունը, Մելիք-Ղուլին ու Մելիք-Իսմայիլը 600 ծառաներով ու մկերներով⁶⁵։ Մելիք-Մեջնունը Գանձակ էր փախել խուսափելու համար Ղարաբաղի խանի հալածանքներից⁶⁶, իսկ վերոհիշյալ Իսմայիլն ու Ղուլին հավանաբար տեղի հայ մեկիքների ներկայացուցիչներն էին։ Պատմական գրականության մեջ մեծ մասամբ շեշտվում է Գանձակի խանի ու Մելիք-Մեջնունի ջանասիրությունը Աղա Մուհամմադ խանին ծառայելու և դեպի Վրաստան արշավանքի հրահրելու հարցում⁶⁷։ Գանձակի խանությունը երկար ժամանակ Վրաստանի ու Ղարաբաղի տիրակալների պայքարի առարկան էր, և հաճախ հարկ էր վճարում նրանց երկուսին։ Այնպես որ բնական է նրա հակումը դեպի Իրանի գահակալը, սա-

կայն պետք է հաշվի առնել նաև այն, որ Աղա Մուհամմադ խանը ավելի հիմնավոր դրդապատճառներ ուներ Վրաստան արշավելու համար, որոնց մասին վերը արդեն խոսել ենք:

Այսպես, չնայած թեժ մարտերին ու երկարատև պաշարմանը Աղա Մուհամմադ խանին չի հաջողվում գրավել Շուշին, սակայն Ղարաբաղը մեծ ավերածությունների է ենթարկվում: Ըստ Ռեզակուլի խանի, Ղարաբաղի Իքրահին խանը ի վերջո հնազանդություն է հայտնում Իրանի տիրակալին⁶⁵: Սակայն պարսկալեզու պատմագրի այս տեղեկությունը այլ աղբյուրներով չի հաստատվում: Հեղինակը՝ ինքը, հետագայում հերքում է իր այդ միտքը՝ խոսելով նույն տարվա մեջ Աղա Մուհամմադ խանի զորքերի կրկին անգամ դեպի Ղարաբաղ արշավելու մասին: Հեղինակն ամենայն հավանականությամբ տուրք է տվել Իրանի պատմագրությանը հատուկ ներքողական ոճին և խեղաթյուրել փաստերը:

Աղա Մուհամմադ խանը ի վիճակի չլինելով նվաճել Շուշին՝ հեռանում է Աղդամի մոտակայքում գտնվող Խաթուն Արխ վայրը, որտեղ որոշ ժամանակ հանգիստ առնելուց հետո շարժվում է դեպի Գանձակ, այնտեղից էլ՝ Վրաստան: Սեպտեմբերի 12-ին պարսկական զորքերը գրավում են Թիֆլիսը և 9 օր սարսափելի ավերածությունների ու կողոպուտի ենթարկում Վրաստանի մայրաքաղաքը: Աղա Մուհամմադ խանը 15000 զեռիներով ու հարուստ ավարով վերադառնում է Գանձակ, որոնց մեծ մասը այնտեղ թողնելով, հեռանում է Մուղանի դաշտավայրը⁶⁶: Այստեղ գտնվելու ընթացքում Իրանի տիրակալը ևս մեկ անգամ ջանում է իրեն հնազանդեցնել Ղարաբաղի հանդուգն խանին: Իքրահին խանը նորից հրաժարվում է Աղա Մուհամմադ խանին ներկայանալ ու հպատակություն հայտնել: Նորից մեծ զորք է ուղարկվում Ղարաբաղ Աուլեյման խանի գլխավորությամբ, որը նոր ավերածություններ է կատարում այնտեղ և վերադառնում անոթի ավարով, որը բարձած էր 10000 գրաստների վրա⁷⁰: Նույն տարվա մեջ տեղի ունեցած այս երկրորդ արշավանքի մասին է թերևս խոսում նաև Հակոբ Չաքարյանց Շուշեցին, որը, ի տարբերություն այլ պատմագիրների, իր պատմական աշխատությունում խոսում է Աղա Մուհամմադ խանի Ղարաբաղ կատարած երեք արշավանքների մասին⁷¹:

Չմեռը Մուղանում անցկացնելուց հետո, Աղա Մուհամմադ խանը այնքան հանկարծակի է հեռանում, որ Մուղանում են մնում բանակի վրանների, ավարի ու հիվանդների մեծ մասը, որոնցից շատերը Ղարաբաղցիների ձեռքն են ընկնում⁷²:

1796թ. Աղա Մուհամմադ խանը Խորասանում իր դեմ ծագած խռովությունները ճնշելուց հետո գահ է բարձրանում: Իսկ Ղարաբաղի Իքրահին խանն ու Վրաստանի Հերակլ թագավորը պատժում են Գանձակի խանին իրենց թշնամուն աջակցելու համար և վերականգնում իրենց գերիշխանությունը այդ խանության վրա:

Աղա Մուհամմադ խանի հաղթանակներն ու ավերածությունները Անդր-

կովկասում լրջորեն անհանգստացնում են ռուսական կառավարությանը, որը իր հովանավորության տակ էր առել Վրաստանը և ջանում էր իր ազդեցության տակ առնել նաև տարածաշրջանի մյուս երկրները: 1796թ. դեկտեմբերին ռուսական 2000-ամեց մի զորագունդ ուղարկվում է Վրաստանը պաշտպանելու, իսկ Վ. Ջուրովի գլխավորած ռուսական զորքը նույն թվականի մայիսից մինչև հոկտեմբերն ընկած ժամանակամիջոցում գրավում է գրեթե ողջ արևելյան Անդրկովկասը (իր Դերբենդ, Բաքու, Շամախի ու Գանձակ ամրոցներով) մինչև Ղարաբաղ: Երևանի, Նախիջևանի ու Ղարաբաղի խաները նույնպես ցանկություն են հայտնում դառնալու Ռուսաստանի հպատակը: Սակայն շուտով Ռուսաստանում կայսրերի վտիճախության հետևանքով ռուսական զորքերի առաջխաղացումը Անդրկովկասում կանգ է առնում: Այս հանգամանքից օգտվում է Աղա Մուհամմադ շահը և որոշում վերահաստատել իր տիրապետությունը Անդրկովկասյան երկրների վրա: Իրանից սպասվող նոր վտանգից վախեցած Երևանի Մահմեդ ու Նախիջևանի Քյալբաալի խաները հարուստ նվերներով ներկայանում են Արդեբիլում գտնվող շահին: Վերջինս տեղյակ լինելով նրանց ռուսական հակավածությանը՝ որոշում է պատժել: Երևանի խանը որոշ իշխանավորների միջնորդությամբ իր կյանքը հազիվ է փրկում, սակայն բանտարկվում է, իսկ Նախիջևանի խանը կուրացվում է⁷³: Շահը հպատակություն է պահանջում նաև Վրաստանի Հերակլ թագավորից և Ղարաբաղի Իբրահիմ խանից, որոնք նորից չեն հնազանդվում:

Աղա Մուհամմադ խանի 1795թ. արշավանքից հետո ավերված Ղարաբաղը երկու տարի ևս քայքայվում է այնտեղ տիրող սովի ու ժանտախտի համաճարակի հետևանքով: Նման պայմաններում Ղարաբաղի խանը ի վիճակի չէր ուժեղ դիմադրություն ցույց տալ պարսկական մեծ բանակին, ուստի որոշում է փախուստի դիմել: Ռուս պատմագիր Բուտկովի վկայությամբ, տեղեկանալով Իբրահիմ խանի փախչելու մտադրության մասին, ինքը՝ շահը 12000 հեծյալներով շտապում է Ղարաբաղ⁷⁴: Ռեզակուլի խանի հաղորդած տվյալների համաձայն շահը իր հետ վերցնում է ավելի քիչ զորք՝ 5000 հեծյալների և 3000 հետևակայինների մի զունդ⁷⁵: Ցանկանալով կտրել Իբրահիմ խանի փախուստի ճանապարհը՝ Աղա Մուհամմադ շահը այնքան հապճեպ է անցնում Արաքսը, որ որոշ տվյալներով իր զինվորներից կորցնում է 2000 հոգու⁷⁶: Շահին չի հաջողվում բռնել Իբրահիմ խանին, որը իր ընտանիքի ու մերձավորների հետ արդեն հեռացել էր Դաղսաան: Նրա հետևից Շուշին լքել էր նաև նրա բնակչության մեծ մասը: Այնպես որ, երբ շահը իր զորքով առանց որևէ խոչընդոտի ամրոց է մտնում, այնտեղ մնացել էր ընդամենը 200 ընտանիք⁷⁷:

Շուշի մտնելուց մի քանի օր անց Աղա Մուհամմադ շահը սպանվում է իր ննջարանում սեփական ծառաների ձեռքով⁷⁸: Ժողովրդական ավանդություններում պատմվում է, որ չնչին մի զանցանքի համար շահը կտրել է տալիս իր սպասավորներից մեկի ականջները, որից հետո նաև սպանում առա-

վոտյան մեկ այլ սպասավորի հետ միասին մահապատժի ենթարկել նրան: Վախեցած սպասավորները զիշերը նրան իր ննջարանում սպանում են⁷⁹: Սակայն մի քանի այլ աղբյուրներում վկայություններ կան նաև նրա գորավարներից մեկի՝ Սադեդ խան Շադադիի կողմից, շահի դեմ դավադրություն կազմակերպված լինելու մասին, որի իրական լինելը ավելի հավանական է քվում:

Ռուս պատմագիր Բուտկովը այդ դեպքերի վերաբերյալ հետևյալն է գրում. «Աղա Մուհամմադ խանի մերձավորներից մի քանիսը որոշելով նրա դեմ դավադրություն կազմակերպել՝ այդ մասին հայանում են Սադեդ խան Շադադիին՝ Աղա Մուհամմադ խանի գորավարներից մեկին: Սադեդ խան Շադադին աղբյուրներից խանների գաղտնի համաձայնությամբ հաճույքով աջակցում է այդ նախաձեռնությանը՝ հուսալով այդ կերպ հարուստ ավար ձեռք բերել: Այսպես, հունիսի 4-ին ծառաները մտնելով շահի ննջարանը, գլխատում են նրան: Սադեդ խանը մոտակայքում գտնվելով՝ ներս է վագում, հավաքում շահական զանձները և իր գորքերով հեռանում ... դեպի Թավրիզ»⁸⁰:

Համաձայն վկայություններ կան նաև հայկական և օտար աղբյուրներում⁸¹: Այս վկայությունների հավաստիության օգտին են խոսում նաև սպանությանը նախորդող իրադարձությունները: Աղա Մուհամմադ շահը աչքի էր ընկնում իր դաժանությամբ և կասկածամտությամբ: Արշավանքի նախօրյակին շահի կասկածամտության գոհն էին դարձել իր բարձրաստիճան պաշտոնյաներից Սիրգա Շաֆին, Խոյի ու Թավրիզի կառավարիչներ Հուսեյն Դուլի և Ջաֆար Դուլի խաները Դումբուլիների տոհմից⁸²: Իրենց ռուսական կողմնորոշման համար անողորք պատժի էին ենթարկվել Երևանի ու Նախիջևանի խաները: Շուշիում գտնվելու ժամանակ նրա պահանջով ներկայանում է Գանձակի Ջավադ խանը, որը ձերբակալվում է իր բերդը ռուսական զորքերին հանձնելու համար: Ձերբակալվում և որպես գերի Շուշի են բերվում Բաքվի Հուսեյն խանը, Իբրահիմ խանի վեզիր Մոլլա Փանահ Վադիֆը⁸³: Պարսկական զորքերը Շուշի մտնելուն պես սկսում են կողոպտել այնտեղ մնացած բնակիչներին: Հատկապես ծանր ռազմատուգանք է դրվում Սեյիք-Ջումշուդ Շահնազարյանի վրա⁸⁴: Զաղաք մտած պարսկական բանակը ներթույլում էր կրում պարենի պակասության հետևանքով և ստիպված էր այն հայթայթել բնակիչներին քաղանելու միջոցով: Շուշիում գտնվելու ժամանակ Աղա Մուհամմադ շահի դեմ դժգոհություն է ծագում ինչպես բանակի հասարակ զորականների, այնպես էլ նրանց ղեկավարների շրջանում⁸⁵:

Այնպես որ, Սադեդ խան Շադադին, ըստ երևույթին, օգտվում է շահի դեմ տիրող համընդհանուր դժգոհությունից և շահի դեմ դավադրությունն իրագործելուց հետո շտապում իրականացնել Իրանի գահին տիրելու իր մտադրությունները:

SUMMARY

During the reign of the Iranian Shah Nadir (1735-1747), the five Armenian principalities (melikutjiun) of Karabagh were united in a single administrative unit called "Khamsa-ji melikutjunner" (arab. -five). After the death of Nadir Iranian state was weakened and there arose a great number of independent khanates in the territory of Atrpatakan and Eastern Transcaucasia. One of the strongest khanates of the Transcaucasia in the second half of the XVIII century was Karabagh. The muslim khans of Karabagh who originated from the Turkish tribe of Javanshir, after a persisting struggle subdued the Armenian principalities of Khamsa. Nevertheless, the Armenian meliks (landlords) and the Armenian dense population of Karabagh played a significant role in the social-political life of their country during the second half of the XVIII century. The Armenian meliks with their Armenian subjects took part in the reconstruction of the fortress Shushi (from 1783 to 1789) and also in the military operations of muslim khans against neighbouring countries.

In the early 90, s Agha Muhammad khan, who was one of the powerful claimants upon the crown of Iranian shahs, had aimed to spread its rule over Atrpatakan and Transcaucasian countries. Ibrahim khan of Karabagh and Heracle, the king of Georgia, rejected the demands of Agha Muhammad khan concerning their peaceful submission. Therefore, Agha Muhammad khan in 1795 organised an expedition into Kharabagh and other Transcaucasian countries. But the governor of Iran met the stubborn resistance of Ibrahim khan, Armenian meliks and their subjects. Though many settlements of Karabagh were destroyed by Persian troops, the fortress of Shushi was not captured. The detachments of Armenian meliks and muslim begs (landowners) stroke the Persians and caused damages to their troops. 33 days Persians besieged Shushi, but were unable to seize it as well as the fort of Askeran. Starving from the lack of provision and the thrusts of the people of Karabagh, Agha Muhammad khan was forced to leave that country for Georgia.

The next two years Karabagh starved from the famine and plague which were the consequences of its terrible devastation by Persian troops. Therefore, when in 1797 Agha Muhammad shah once again marched into Karabagh, Ibrahim khan could not resist his army and left for Jar. This time the army of Agha Muhammad shah entered the fortress of Shushi without any obstacle. But soon after his triumphial entrance into the fort he was killed there by his servants. After a careful study of historical sources the author concluded that it was the result of a plot organized against him by one of the commanders of his army, Sadegh Khan Shaghaghi.

ԾԱՆՈԹԱԳՐՈՒԹՅՈՒՆՆԵՐ

1. Ժողովրդի պատմություն, հ. 4, Երևան, 1972, էջ 186.
2. Петрушевский, Очерки по истории феодальных отношений в Азербайджане и Армении, Л., 1943, с. 86.
3. Առ. Կոստանյանց, Պատմություն Արցախի, Մ. Մաշտոցի անվան Մատենադարան, ձեռ. 7822, 7823: Բաֆֆի, մեկըությունները, Երկերի ժողովածու, հ 10, Երևան, 1964, էջ. 161-383.
4. Мирза Адигезаль-бек, "Карабаг-наме", Баку, 1950; Мирза Джамаль Джеваншир Карабаги, "История Карабага", Баку, 1959; Бутков, Материалы для новой истории Кавказа с 1722 по 1803, ч. 2; СПб., 1869.
5. Армяно-русские отношения, т. 3, Ер., 1978; т. 4, Ер., 1990.
6. А. Р. Иоаннисян, "Россия и армянское освободительное движение в 80-х годах 18-ого столетия", Ер., 1947; "Иосиф Эмин", Ер., 1945.
7. Արդ Առ-Ռազզակ Դումրուի «Մաասիր-ի սուրանի», Թավրիզ 1828, (պրսկ.); Ռեզակուի-խան Հեդայաթ «Ռուզաբ-սա-Սաֆա-ի Նասերի» Թեհրան 1339հ. ք., (պրսկ.):
8. Դեհխոդա Ա. Ա., «Լոդաթ-նամե» (պրսկ. հանրագիտարան-բառարան), Թեհրան 1946-1959, հ. 27, էջ 157.
9. Ռեզակուի խան Հեդայաթ, նշվ. աշխ., հ.1, 1338, էջ 810.
10. Հմմտ. Հայ ժողովրդի պատմություն, հ.5, Եր., 1974, էջ 15 և Ա. Տ. Երեմյան, «Հայաստանը ըստ «Աշխարհացույցի», Երևան 1963, էջ 109:
11. А. Бакиханов, "Гюлистан-Ирам", Баку, 1929, с. 127, 128; М. Нерсисян, Из истории русско-армянских отношений, кн. 1, Ер., 1956, с. 265; Армяно-русские отношения в 18-ом веке, т. 4, Ер., 1990, с. 213.
12. «Վրաց աղբյուրները Հայաստանի ու հայերի մասին», հ. Գ, Եր., 1955, էջ 130, 139, 169-170.
13. В. Н. Левиатов, Очерки из истории Азербайджана в 18-ом веке, Баку, 1948, с.121.
14. Ռեզակուի-խան Հեդայաթ, նշվ. աշխ., հ. 9, էջ 34.
15. Այդ արշավանքների մասին տես՝ «Վրաց աղբյուրները...», հ. Գ, էջ 188, Դիվան Հայոց պատմության, հ. Գ, Թիֆլիս, 1894, էջ 57, 58.
16. Դիվան Հայոց պատմության, գիրք Ա, (նոր շարք), Դուկաս Կարնեցի 1780-1785թթ, Եր., 1984, էջ 56, 161.
17. Бутков, ук.соч., ч. 2, с. 176.
18. Левиатов, ук. соч. с. 157, Бутков, ук. соч. ч. 2, с. 114.
19. «Վրաց աղբյուրները, հ. Գ, էջ 189.
20. Грамоты и другие исторические документы относящиеся до Грузии, т. 2, вып. 2, СПб, 1902, с. 19-20.
21. М. Нерсисян, ук. соч., с. 267, 275; Армяно-русские отношения..., т. 4, с. 222.
22. Акты Кавказской Археологической Комиссии, т. 2, Тифлис, 1866, с. 623; Кавказская старина, Тифлис, 1872, н. 2, с. 35.
23. Армяно-русские отношения..., т. 4, с. 213.
24. М. Нерсисян, ук. соч., с. 265.
25. Армяно-русские отношения..., т. 4, с. 222.

26. Грамоты и другие..., ч. 1, СПб, 1891, с. 434.
27. А. Р. Иоаннисян, ук. соч., с. 190-191.
28. Армяно-русские отношения..., т. 4, с. 252.
29. Միրզա Յուսուֆ Նեքսեսով «Թարիխ-ի Սաֆի», 86 ա), ՎՀ, Կեկելիճեի անվ, ձեռ. ինսա., ձեռ. P-195.
30. Н. Н. Дубровин, История войны и владычества русских на Кавказе, т. 3, ., 1886, с.7.; Վալիները Իրանի պետության բարձրագույն իշխանավորներն էին՝ սահմանամերձ շրջաններից 4-ի կառավարիչները: Արարիստանը կամ Խոսիստանը Իրանի հարավ-արևմուտքում գտնվող գետաբերդակներից առաջացած հարթավայրային շրջանն էր, իսկ նրա կառավարիչներն էին բարձրագույն սեփեյները: Իրանական Ջրդաստանի կամ Լուրիստանի մայրաքաղաքն էր Ջերմանշահը, իսկ կառավարիչները ծագում էին քրդական Արդեբանի տոհմից (տես՝ Մինորսկի, Սեֆյան շրջանի կառավարական համակարգը ըստ «Թեգքիրար-ալ-մուլուք», (պրսկ.), Թեհրան 1338 թ. ք., էջ 76; նաև В. Бартольд, Историко-географический обзор Ирана, СПб., 1903, с.123, 131.
31. Ռեզակուլի-խան Հեղայաթ, նշվ. աշխ., հ. 9, էջ 234; «Օրինակք գրությանց Ղուկաս կթղկ. Կարնեցվոյ», Մ. Մաշտոցի անվան Մատենադարան, ձեռ. 4501, էջ 369 ա):
32. Ռեզակուլի-խան Հեղայաթ, նշվ. աշխ., հ. 9, էջ 235; «Օրինակք գրությանց...», էջ 364 ք):
33. «Օրինակք գրությանց...», էջ 369 ա), Ռեզակուլի-խան Հեղայաթ, նշվ. աշխ., էջ 236.
34. Վ.Ռ. Գրիգորյան, Երևանի խանությունը 18-րդ դարի վերջին, Երևան 1958, էջ 148.
35. Վ. Ռ. Գրիգորյան, նշվ. աշխ., էջ 150.
36. Մ.Յ. Նեքսեսով, նշվ. ձեռ., էջ 91 ա).
37. Бутков, ук. соч., ч. 2, с. 326.
38. Ռեզակուլի-խան Հեղայաթ, նշվ. աշխ., հ. 9, էջ 253.
39. Мирза Джамаль, ук. соч., с. 78.
40. Бутков, ук. соч., ч. 2, с. 332.
41. Ռեզակուլի-խան Հեղայաթ, նշվ. աշխ., հ. 9, էջ 261.
42. Ռուս պատմագիր Բոստկովը նշում է, որ Աղա Մուհամադ խանի բանակը բաղկացած էր որոշ տվյալներով 50000, որոշ տվյալներով էլ՝ 100000 զինվորներից, տես՝ (Бутков, ук. соч., ч. 2, с. 331); Պատմաբաններից Կոպենցովայի տվյալներով 60000 (Н. А. Кузнецова, Иран в первой половине 19-го века, М., 1983, с. 265); իսկ Լևիատովի՝ 80-85000 զինվորներից, տես՝ (В. Н. Левиатов, ук. соч., с. 167).
43. Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, հ. Ա, Եր., 1964, էջ 286; Бутков, ук.соч. , с. 332.
44. Бутков, там же.
45. Վ. Ռ. Գրիգորյան, նշվ. աշխ., էջ 162.
46. Н. Н. Дубровин, ук. соч., т. 3, с. 26.
47. Հակոբ Զաքարյանց, «Պատմություն գավառին Արցախոս», Մ. Մաշտոցի անվան Մատենադարան, ձեռ. 2734, էջ 6.
48. Լեռ, Երկերի ժողովածու, հ. 3, Եր., 1973, էջ 386.
49. В. Н. Левиатов, ук. соч., с. 168.
50. Ռեզակուլի խան Հեղայաթ, նշվ. աշխ., հ. 9, էջ. 263-264.
51. Մ. Յ. Նեքսեսով, նշվ. ձեռ., էջ 93 ա); Վարանդայի դաշտերից է, տես՝ Ե. Լա-

լայան, Երկերի ժողովածու, հ. 2, Եր., 1988, էջ 16 .

52. Ռեզակուլի խան Հեղայաթ, նշվ. աշխ., հ. 9, էջ 264-265.

53. Հակոբ Չաքարյանց, նշվ. ձեռ., էջ 6. Ըստ երևույթին այս պատճառով է հետազոտում այդ ձորը ստանում «Խազմադարասի» (թրք. զանգեթի որ) անվանումը:

54. Грамоты и другие исторические документы..., т. 2, вып. 2, с. 93.

55. Мирза Джемаль, ук. соч., с. 80.

56. Ռեզակուլի խան Հեղայաթ, նշվ. աշխ., հ. 9, էջ 266.

57. Ахмед-бек Джеваншир, О политическом существовании Карабагского ханства, Шуша, 1901, с. 24.

58. Мирза Джемаль, ук. соч., с. 80.

59. Ռեզակուլի խան Հեղայաթ, նշվ. աշխ., հ. 9, էջ 267.

60. Մ. Յ. Ներսեսով, նշվ. ձեռ., էջ 94 ա); Ռեզակուլի-խան Հեղայաթ, նշվ. աշխ., հ. 9, էջ 270.

61. Իրանի տիրակալը սպառնալից նամակներ էր հղում Իբրահիմ խանին, որոնցից մեկում ասում է, թե «Խազմադարասի ձորը իմ հեծյալների մտրակներով կլցնեն և ամրոցը կգրավեն (տես՝ Մ. Յ. Ներսեսով, նշվ. ձեռ. էջ 93 ր)», իր մեկ այլ նամակում էլ մեջ է քերում Սաիդ Մոհամմադ Շիրազիի հետևյալ քանաստեղծական երկտողը՝ Ծակատագրի երկնակամարից քարեր են թափվում, իսկ դու թաքնվել ես ապակե քերդում (պոսկ. շիշե նշանակում է ապակի), տես՝ Мирза Адигезаль-бек, ук. соч., с. 77.

62. Հակոբ Չաքարյանց, նշվ. ձեռ. էջ 16-17.

63. Ռեզակուլի խան Հեղայաթ, նշվ. աշխ., հ. 9, էջ 267.

64. Грамоты и другие исторические документы..., т. 2, вып. 2, с. 96.

65. Ռեզակուլի-խան Հեղայաթ, նշվ. աշխ., հ. 9, էջ 268.

66. Бутков, ук.соч. ч.2, с. 28.

67. Мирза Джемаль, ук. соч., с. 80; П. Г. Бутков, ук.соч., ч. 2, с. 338.

68. Ռեզակուլի-խան Հեղայաթ, նշվ. աշխ., հ. 9, էջ 268.

69. Грамоты и другие исторические документы..., т. 2, вып. 2, с. 135.

70. Ռեզակուլի-խան Հեղայաթ, նշվ. աշխ., հ. 9, էջ 274.

71. Հակոբ Չաքարյանց, նշվ. ձեռ. էջ. 6, 14, 17.

72. Грамоты и другие исторические документы..., т. 2, вып. 2, с. 155.

73. Վ. Ռ. Գրիգորյան, նշվ. աշխ., էջ 181.

74. Бутков, ук. соч., ч. 2, с. 428.

75. Ռեզակուլի-խան Հեղայաթ, նշվ. աշխ., հ. 9, էջ 293 .

76. Грамоты и другие исторические документы..., т. 2, вып. 2, с. 170.

77. Бутков, ук.соч. , ч. 2, с. 428.

78. Արշալուսիների տեղեկությունները շառի սպանության օրվա վերաբերյալ միմյանցից տարրերվում են: Ըստ Բուտկովի, սպանությունը տեղի է ունեցել հունիսի 4-ին (տես՝ Бутков, ук. соч., ч. 2, с. 430); ըստ Բակիխանովի՝ մայիսի 12-ին (տես՝ А. Бакиханов, ук. соч., с. 147); Մելիք Ջումշուդ Շահնազարյանի վկայությամբ շառի սպանվել է հունիսի 6-ին (տես՝ Армяно-русские отношения..., т. 4, л.461), իսկ անգլիացի ուսումնասիրող Փիքոթի՝ մայիսի 14-ին (տես՝ Новая история Ирана, Хрестоматия, М. 1988, с. 65, հղումը Picault, Histoire des revolutions de perse pendant la duree du dix-huitieme siecle de l'ere chretienne, t. 1, 2, P. 1810, p. 410-418) .

79. Աղա Մոհամմադ շառի սպանությանը վերաբերող ժողովրդական ավանդությունները գրի են առել Դուրովինը, Բաֆֆին, և 19-րդ մյուս պատմագիրները (տես՝ Н. Н. Дубровин, ук. соч., т. 3, с. 209-212; Բաֆֆի, նշվ. աշխ., էջ 273; Мирза Джа-

маль, ук. соч., с. 134; Мирза Адигезаль-бек, ук. соч., с. 87.

80. Бутков, ук. соч., ч. 2, с. 430.

81. Դիվան Հայոց պատմության, զիրք Ա-Բ, Թիֆլիս, 1893, էջ 32; զիրք Ժ, Թիֆլիս, 1912, Մանր Մատենագիրք, էջ 448; Գ. Շիրմազանյանց, «Ճանապարհորդություն Հայաստանում», «Արարատ» ամսագիր, Էջմիածին, 1877, հ.10, էջ 332; Picault, Ch., նշվ. աշխ. էջ. 410-418; Ахме-Джеваншир, О политическом существовании Карабагского ханства, Баку, 1961, с. 81-82:

82. Бутков, ук. соч., ч. 2, с. 428-430.

83. Իրրահիմ խանի վեզիր Մոլլա Փանահ Վաղիֆի ճերբակարձան հանգամանքների մանրամասն ընկերությունը տես՝ А. Дадашзаде, Певец жизни, Баку, 1968, с. 30-34.

84. Գ. Շիրմազանյանց, նշվ. աշխ., էջ 306.